

La Bib pou ti moun prézanté



Bèl (mayifik) Larenn Estè



Ékri pa : Edward Hughes

Ilistré pa : Janie Forest
Alastair Paterson

Adapté pa : Ruth Klassen

Tradwi pa : Ausky Salomon


Pwodwi pa : Bible for Children
www.M1914.org

©2025 Bible for Children, Inc.

Lisans : Ou gen dwa pou copyé o swa fè fotocopli istwa sa,
dépi sé pa pou van-n ou fè li.

1

Yon fwa te genyen yon bèl manmzèl ki te rele Estè.
Lè papa l ak manman li te mouri, tonton li, Madoche,
te pran l lakay li. Estè te onore li paske l te obeyi l
tankou pwòp pitit fi li.




2



Estè t ap viv nan peyi Pès, men an reyalite se te juif li te ye. Zansèt li yo te vin nan peyi Pès kòm prizonye lagè. Nan epòk Estè a, te gen anpil juif ki t ap viv nan peyi Pès.

3

Wa peyi Pès la te fè yon gwo fèt pou tout prens nan wayòm li a.



Yo te separe mesye yo ak medam yo, epi larenn Vasti te resevwa yo. Wa a, ki te bwè anpil, te rele larenn Vasti pou l mete kouwòn wayal la epi pou l montre bote li. Larenn nan te refize.


4

Pou montre medam yo dwe onore mari yo, wa a te fè pase yon lwa ki te retire kouwòn nan nan men larenn Vasti. Li pa te larenn ankò.




5

Yo te fè chèche yon nouvo larenn. Pami tout bèl fi ki te nan wayòm li an, wa a te chwazi Estè kòm madanm li. Li te mete kouwòn wayal la sou tèt li. Sou konsèy tonton Estè a, Estè pa te di wa a li se te jwif.




6

Tonton an, Madoche, te pase tan li nan antre palè a, pou li pran nouvèl Estè. Yon jou li te aprann gen de sèvitè ki te vle touye wa a. Madoche te di wa a sa, se konsa li te sove lavi li. Yo te pann sèvitè yo, epi yo te anrejistre non Madoche nan achiv yo.




7

Dezyèm diyitè apre wa a se te yon nonm rich ki te rele Aman. Tout moun te bese tèt yo lè Aman t ape pase. Tout moun — eksepte yon sèl nonm. Antanke yon Juif, Madoche te adore sèlman Bondye vivan an.



8

Aman te tèlman rayi Madoche yon jou li te decide pou l touye li, ansanm ak tout juif ki te Pès yo. Ala yon trajedi ! Aman te konvenk wa a pou li siyen yon lwa ki deklare nan yon sèten moman, tout jwif ki te nan wayòm nan te dwe elimine.




9

Se te yon dekrè terib. Ni jwif yo ni pès yo te kriye. Men sonje ! Bondye te fè Estè rèn. Epi li se te jwif. Èske li t ap kache wa a sekrè li a ? Oubyen èske li t ap riske lanmò pou l eseye sove pèp li a ?


10

Bondye te bay Estè yon bèl (ekselan) lide. Li te envite wa a ak Aman nan yon fèt. Lè sa a, wa a te pwomèt li nenpòt sa li ta vle. "Se pou wa a vin ak Aman nan fèt m ap prepare pou yo a, epi demen m ap bay wa a yon repons dapre lòd li a."

Nan menm moman an, Aman te fè prepare yon potans pou pann Madoche.



11



12

Jou lannuit sa a, wa a pa te kapab dòmi. Pandan li t ap li achiv yo, li te wè Madoche pa te janm resevwa rekonpans paske li te sove lavi li a. Nan demen, wa a te mande Aman : "Kisa pou yo fè pou yon nonm wa a vle onore ?"

Aman te di tèt li wa a t ap panse ak li !

Aman te vini pou li mande wa a pèmision pou l pann Madoche. Potans lan te pare. Kounye a, li te kapab tann. Avèk anpil eksitasyon, Aman te fè wa a kèk sijasyon. "Se pou pran rad wa a ak kouwòn li an epi mete yo sou nonm sa a."



13



14




"Mete li chita sou chwal wa a. Mande yon prens wayal pou li pwomennen ak li nan tout vil la pou tout moun ka wè li." "Prese vit, fè sa pou Madoche, jwif la," wa a te bay Aman lòd.

15




Ki jan ou panse Aman te santi li pandan li t ap onore Madoche nan vil la ? Li te rayi Madoche pi plis pase anvan. "Ann tann," Aman dwe t ap panse. "Li pral mouri talè konsa — ansanm ak tout lòt jwif yo."

16



Pita nan menm jou a, Aman ak wa a te rive nan fèt larenn Estè a. "Ki sa w mande ?" wa a te mande. Li pa te bliye pwomès li te fè a. Li te lonje dwèt sou Aman, Larenn Estè te revele tout mechan konplo Aman an. "Se pou yo pann Aman !" wa a te di.

17




Aprè sa, wa a te pase yon lòt lwa ki te pèmèt jwif yo defann tèt yo. Yo te sove ! Yo te bay Madoche dezyèm plas apre wa a, epi jwif yo te kontan, youn te bay lòt kado. Jouk jodi a, pèp jwif la sonje kijan Bondye te sove yo, atravè bèl larenn Estè.

18

Bèl (mayifik) Larenn Estè
 Yon istwa soti nan pawòl Bondyé-a, la Bib,
 Nap jwen-n nan
 Estè
 "Pawòl Bondyé poté limyè."
 Sòm 119 : 130

19



30

60 20

Istwa biblik sa rakonté nou kòman ké gen yon mèvéyé Bondyé
ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou
péché sé lanmò. Sèlman Bondyé renmen nou si tèlman ké Li voyé sèl
gren-n pitit Li-a Jézi, ki mouri sou lakwa pou nou, dékwa pou Li sa péyé
dèt péché nou yo pou nou. Apré sa Jézi té résisité, é Li monté nan
syèl la ! Ou men-m tou, si ou kwè nan Jézi é si ou mandé Li ak tout
kè-w pou Li padoné péché ou yo, L'ap fè sa pou ou ! L'ap rantré nan
lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa :
"Sényè Jézi, mwen kwè ké ou sé pitit Bondyé, mwen kwè ké ou té mouri
pou mwen épi ou résisité ankò. Tanpri, rantré nan lavi mwen, padoné
péché mwen yo, pou mwen sa gen yon nouvo lavi kounyé-a la, konsa lè
gran jou-a va rivé, m'a va abité avè-w nan rwayòm ou an pou l'éternité.
Édé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16